

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA DOBOJ JUG
OPĆINSKI NAČELNIK
Broj:02-11-460-1 /20
Dana, 06.05.2020.godine

Na osnovu člana 37. Statuta Općine Doboj Jug („Službene novine Općine Doboj Jug“, broj:03/08) i Odluke o utvrđivanju mjera sa ciljem prevazilaženja posljedica izazvanih korona virusom COVID-19 broj:01-04-333-16/20 od 16.04.2020.godine Općinski načelnik općine Doboj Jug raspisuje

JAVNI POZIV

za dodjelu budžetskih sredstava u svrhu prevazilaženja posljedica izazvanih koronavirusom (COVID-19) po Odluci o utvrđivanju mjera sa ciljem prevazilaženja posljedica izazvanih korona virusom COVID-19

I.PREDMET JAVNOG POZIVA

I.1.Pozivaju se subjekti privrede (pravna i fizička lica) iz člana 2.stav1.tačka c) Odluke, čija je djelatnost u potpunosti zabranjena naredbama štabova civilne zaštite zbog posljedica izazvanih pandemijom da se prijave na ovaj Javni poziv u svrhu obezbjeđenja:

- Finansijskih sredstava putem Općinskog fonda za pomoć u privredi u cilju subvencioniranja 50% minimalne neto isplaćene plaće u FBiH za mjesec mart 2020.godine (406,00 KM) za uposlenike sa prebivalištem u općini Doboj Jug koji nisu otpušteni,
- Oslobođanja na taksu na istaknutu firmu za 2020.godinu,
- Refundiranje troškova odvoza smeća za mjesec mart 2020.godine.

I.2. Pozivaju se građani sa prebivalištem na području općine Doboj Jug koji su od 16.03.2020.godine zbog posljedica izazvanih pandemijom korona virus (COVID-19) dobili otkaz iz radnog odnosa, i koji nisu ostvarili pravo na novčanu naknadu za vrijeme nezaposlenosti a koji se i dalje nalaze na evidenciji Zavoda za zapošljavanje kao nezaposlena lica da podnesu zahtjev za dodjelu jednokratne novčane pomoći.

II PRAVO UČEŠĆA

Prijavu na Javni poziv iz tačke I.1. mogu podnijeti subjekti privrede (pravna i fizička lica) definisani članom 2. Odluke o utvrđivanju mjera sa ciljem prevazilaženja posljedica izazvanih korona virusom COVID-19 broj:01-04-333-16/20 od 16.04.2020.godine, a koji ispunjavaju sljedeće uvjete:

1. Da su registrovani na području općine Doboj Jug i poslovne jedinice drugih subjekata koje su prijavljene sa mjestom rada na području općine Doboj Jug;
2. Da im je zabranjeno obavljanje djelatnosti naredbama štabova civilne zaštite (djelatnosti navedene u članu 2.stav1.tačka c) Odluke ;
3. Da su ispunjene obaveze po osnovu javnih prihoda zaključno sa 31.12.2019. godine;
4. Da imaju kod Porezne uprave Federacije Bosne i Hercegovine prijavljene zaposlene za mjesec mart od dana zabrane djelatnosti do 31.03.2020. godine.

Prijavu na Javni poziv iz tačke I.2. mogu podnijeti građani definisani članom 3. Odluke o utvrđivanju mjera sa ciljem prevazilaženja posljedica izazvanih korona virusom COVID-19 broj:01-04-333-16/20 od 16.04.2020.godine, a koji ispunjavaju sljedeće uvjete:

1. Da imju prijavljeno prebivalište na području općine Doboj Jug,
2. Da im je u periodu od 16.03.2020.godine prestao radni odnos kao posljedica proglašenja prirodne nesreće usljed pandemije korona virusa (COVID-19),
3. Da nisu ostvarili pravo na novčanu naknadu za vrijeme nezaposlenosti,
4. Da im radni odnos nije prestao na njihov lični zahtjev ili zbog prestanka ugovora o radu na određeno vrijeme ili zbog prestanka radnog odnosa radi odlaska uposlenika u penziju.

III PRIJAVA PO JAVNOM POZIVU

Uz prijava na Javni poziv za dodjelu budžetskih sredstava u svrhu prevazilaženja posljedica izazvanih koronavirusom (COVID-19) iz tačke I.1. potrebno je dostaviti sljedeću dokumentaciju:

- Sudsko rješenje o registraciji (za pravne osobe) ili Rješenje o registraciji od nadležnog gradskog/općinskog organa (fizička lica/obrtnike) – fotokopija;
- Uvjerenje o poreznoj registraciji – ID broj – fotokopija;

- Obavijest o razvrstavanju subjekata prema djelatnosti (FBiH Zavod za statistiku) - fotokopija;
- Obrazac 2001 (Specifikacija uz isplatu plaća zaposlenika u radnom odnosu za mjesec decembar 2019 kod pravnih i fizičkih lica) i Obrazac 2002 (Specifikacija uz uplatu doprinosa poduzetnika sa prebivalištem u Federaciji BiH za mjesec decembar 2019), kao dokaz da je poslodavac isplatio plaće – ovjerena kopija;
- Spisak uposlenika na dan 31.03.2020.godine izdat od strane Porezne uprave-original;
- Uvjerenje o prebivalištu za uposlenika (Obrazac PB3) – original.

Uvjerenje da podnositelj prijave nema dospjelih a neizmirenih obaveza po osnovu poreza i doprinosa zaključno sa 31.12.2019.godine pribaviti će Općina Doboj Jug po službenoj dužnosti.

Uz prijava na Javni poziv za dodjelu budžetskih sredstava u svrhu prevazilaženja posljedica izazvanih koronavirusom (COVID-19) iz tačke I.2. potrebno je dostaviti slijedeću dokumentaciju:

- Fotokopija lične karte podnosioca zahtjeva;
- Uvjerenje o prebivalištu podnosioca zahtjeva (PB3 Obrazac) –original;
- Uvjerenje o nezaposlenosti podnosioca zahtjeva i da isti nije korisnik prava na novčanu naknadu za vrijeme nezaposlenosti – original;
- Rješenje ili drugi pravni akt kojim se dokazuje prestanak radnog odnosa nakon 16.03.2020.godine – ovjerena fotokopija;
- Fotokopija tekućeg računa.

IV OBRADA PRIJAVA I DODJELA SREDSTAVA

Komisija Općine Doboj Jug obraditi će prispjele prijave u pogledu ispunjavanja uslova i na osnovu propisanih kriterija sačiniti Preliminarne liste korisnika sredstava po vrsti predmeta Javnog poziva (Lista I.1. i Lista I.2.).

Na objavljene liste svi kandidati imaju pravo prigovora koji se podnosi *Drugostepenoj komisiji za rješavanje po žalbama i prigovorima izjavljenih protiv prvostepenih akata donesenih od strane Općinskog načelnika na osnovu propisa Općine* u pisanoj formi u roku od 3 dana od dana objavljivanja listi na web stranici Općine Doboj Jug.

Nakon isteka roka za prigovor, odnosno nakon rješavanja po uložnim prigovorima Općinski načelnik donosi Konačnu rang listu korisnika sredstava nakon čega će sačiniti pojedinačne odluke o odobravanju sredstava korisnicima.

V DOSTAVLJANJE PRIJAVA

Prijave sa potrebnom dokumentacijom dostavljaju se neposredno na protokol Općine Doboj Jug ili putem pošte, na adresu:

OPĆINA DOBOJ JUG

ul.“Trg 21.mart“ br.1.,74203 Matuzići

Doboj Jug

sa naznakom "NE OTVARATI" – prijava po Javnom pozivu " **Za dodjelu budžetskih sredstava u svrhu prevazilaženja posljedica izazvanih koronavirusom (COVID-19) po Odluci o utvrđivanju mjera sa ciljem prevazilaženja posljedica izazvanih korona virusom COVID-19).**

Za sve dodatne informacije možete se obratiti Službi za budžet, finansije i privredu općine Doboj Jug direktno ili putem telefona na broj:032/699-340 svakim radnim danom od 09:00 do 12:00 sati.

Kontakt osoba Aličić Sanela.

Rok za podnošenje prijava je 15 (petnaest) dana od dana objave Javnog poziva, odnosno do 21.05.2020.godine.

Općina Doboj Jug će sa podacima iz zaprimljene dokumentacije postupati u skladu sa propisima iz zaštite ličnih podataka.

OPĆINSKI NAČELNIK

Mirnes Tukić, dipl.ecc